



Број: 05/8-50-14-485-7/16

Сарајево, 7.4.2016.

Z A P I S N I K

7. sjednice Komisije za izbor i praćenje rada Agencije za prevenciju korupcije i koordinaciju borbe protiv korupcije, održane 2. 3. 2016., od 11 do 11,30 sati

Sjednicu Komisije za izbor i praćenje rada Agencije za prevenciju korupcije i koordinaciju borbe protiv korupcije (u daljnjem tekstu: Komisije) sazvala je predsjedavajuća Komisije Aleksandra Pandurević.

Sjednici su prisustvovali sljedeći članovi Komisije: Aleksandra Pandurević, Anes Ličina, Darko Babalj, Halid Genjac, Borjana Krišto, Ivanka Marković i Hanka Vajzović.

Odsustvo sa sjednice pravdao je Bariša Čolak.

Sjednici su službenici Sekretarijata Parlamentarne skupštine Bosne i Hercegovine (PSBiH):

- Ljerka Bojić, rukovoditeljica Sektora za druga parlamentarna tijela PSBiH i
- Jovica Katić, sekretar Komisije.

Kako nije bilo rasprave o prijedlogu dnevnog reda, konstatirano je da 7. sjednica Komisije ima sljedeći

DNEVNI RED

1. Usvajanje Zapisnika 6. sjednice Komisije,

2. Razmatranje:

- a. **Prijedloga teksta Javnog konkursa za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije (sačinilac: Komisija za izbor i praćenje rada Agencije za prevenciju korupcije i koordinaciju borbe protiv korupcije),**
- b. **Prijedloga obavještenja o Javnom konkursu za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije (sačinilac: Komisija za izbor i praćenje rada Agencije za prevenciju korupcije i koordinaciju borbe protiv korupcije),**

3. **Razmatranje Prijedloga povelje Globalne organizacije parlamentaraca za borbu protiv korupcije (GOPAC) u Parlamentarnoj skupštini BiH (sačinilac: sekretar Komisije za izbor i praćenje rada Agencije za prevenciju korupcije i koordinaciju borbe protiv korupcije),**
4. **Tekuća pitanja.**

Ad.1. Usvajanje Zapisnika 6. sjednice Komisije

Hanka Vajzović, članica Komisije, u okviru rasprave o Prijedlogu zapisnika 6. sjednice, konstatirala je da prilikom izrade zapisnika treba navoditi imena članova Komisije koji su izuzeli svoj glas, odnosno bili protiv donošenja određene odluke ili se, pak, suzdržali prilikom glasanja.

Uz navedenu konstataciju, Komisija je, s pet glasova „za“ i jednim glasom „suzdržan“¹, bez glasova „protiv“, usvojila Zapisnik 6. sjednice Komisije.

Ad.2. Razmatranje:

- a. **Prijedloga teksta Javnog konkursa za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije**
- b. **Prijedloga obavještenja o Javnom konkursu za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije.**

Aleksandra Pandurević, predsjedavajuća Komisije, konstatirala je da je svim članovima Komisije u okviru materijala za sjednicu dostavljen prijedlog teksta javnog konkursa, kao i prijedlog obavještenja o javnom konkursu za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije, te otvorila raspravu o dostavljenim dokumentima.

U raspravi o ovoj tački dnevnog reda učestvovali su Hanka Vajzović i Aleksandra Pandurević.

Predsjedavajuća Komisije Aleksandra Pandurević predložila je da se u prijedlogu teksta javnog oglasa na srpskom jeziku, u okviru napomene na 2. stranici, riječ „takmičili“ zamijeni drugim odgovarajućim terminom koji podrazumijeva prijavu kandidata na upražnjene pozicije. Također, predložila je da se u dijelu u kojem je navedeno da „pored općih i posebnih

¹ Članica Komisije Hanka Vajzović suzdržala se prilikom glasanja o Prijedlogu zapisnika 6. sjednice Komisije.

uslova, potrebno je da kandidat ispunjava i uslove“, treba staviti dvotačku, a riječi: „kojima dokazuje“ brisati. Na kraju, predložila je da se, u okviru potrebnih dokumenata koji se prilažu uz prijavu na javni konkurs, predložena tačka 5. mijenja i glasi: „vlastoručno potpisanu izjavu i ovjerenu kod nadležnog organa da je saglasan da Komisija za izbor i praćenje rada Agencije za prevenciju korupcije i koordinaciju borbe protiv korupcije može, po službenoj dužnosti, zatražiti od nadležnog organa dokaz da protiv njega nije pokrenut krivični postupak za krivično djelo za koje je predviđena kazna zatvora tri i više godina.“

Kako nije bilo novih prijedloga, Komisija se izjasnila o prijedlogu teksta Javnog konkursa s korekcijama koje je na tekst predložila predsjedavajuća Komisije Aleksandra Pandurević.

Sa šest glasova „za“ i jednim glasom „suzdržan“², bez glasova „protiv“, Komisija je usvojila tekst Javnog konkursa za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije.

O prijedlogu teksta obavještenja o Javnom konkursu za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije nije vođena rasprava.

Komisija je jednoglasno, sa sedam glasova „za“, usvojila tekst obavještenja o Javnom konkursu za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije.

Ad.3. Razmatranje Prijedloga povelje Globalne organizacije parlamentaraca za borbu protiv korupcije (GOPAC) u Parlamentarnoj skupštini BiH

Aleksandra Pandurević, predsjedavajuća Komisije, podsjetila je na to da je Komisija na prošloj sjednici odgodila izjašnjavanje o Prijedlogu povelje GOPAC-a u Parlamentarnoj skupštini BiH. Također, navela je da je u okviru rasprave na prošloj sjednici predložena izmjenu člana 7. Prijedloga povelje, kojim se definira donošenje odluka u ogranku GOPAC-a u PSBiH, te istakla da prijedlog novog teksta ovog člana treba da glasi: „GOPAC u PSBiH odluke donosi natpolovičnom većinom glasova, koja uključuje jednu trećinu od prisutnih članova svakog konstitutivnog naroda.“

U raspravi o ovoj tački dnevnog reda učestvovali su Halid Genjac i Darko Babalj.

Komisija je zatim jednoglasno, sa sedam glasova „za“, usvojila tekst Prijedloga povelje GOPAC-a u PSBiH.

² Članica Komisije Hanka Vajzović suzdržala se prilikom glasanja o tekstu Javnog konkursa za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije.

Ad.4. Tekuća pitanja

U okviru tekućih pitanja nije vođena rasprava.

Sjednica je završena u 11,30 sati.

Sastavni dio ovog zapisnika je tonski snimak 7. sjednice Komisije.

Sekretar Komisije
Jovica Katić

Predsjedavajuća Komisije
Aleksandra Pandurević

Dostavljeno:

- naslovu
- a/a